


SHWBIZ KLIP

BON DIA



Un berdadero joya musical

Hilyann Croes ta presenta su prome produccion di Pasco titula “My Christmas Gift”


E conocido y popular hoben cantante Hilyann Croes, a lansa riba mercado su produccion di fin di aña titula ‘My Christmas Gift’. Pa algun siman caba por scuchasutem promocional cu ta extrai for di e mesun produccion aki, e tema cu ta sonando actualmente ta titula ‘E Gloria di bo presencia’ cu porcierto ta sonando na mayoria stacion di radio local.

E bunita cancion aki ta refleha e berdadero nificacion di Pasco, cu porcierto a bin ta hal atencion n’e oyente nan. E produccion completo aki riba su mes ta contene 11

cancion den total tur di nan den e mesun dushi estilo cuta uno “clasico-suave” y cu e harmonisacion tipo concierto orquestral.

‘My Christmas Gift’ pa Hilyann Croes ta su prome produccion discografico cu e ta presentando, mester señala si ‘off the record’ cu esaki tabata un proyecto di basta tempo cu awe a haya lus di dia.

E talentoso hoben di apenas 18 aña a yega di participa den diferente festival di canto entre otro ‘Festival un canto na nos Himno y Bandera’, ‘Festival di Dande’ y na



varios ocasion e la sa di conkista e titulo maximo.

Hilyann Croes su carera a cuminsa for di edad mas tempran, no por sin keda di menciona cu su abilidadnan musical, di baile y cu mas despues tambe e la formalisa esun di actuacion.

Hilyann a forma parti di diferente grupo di baile y coro, manera entre otro ‘Twinkle Lights’, Scol di baile ‘Simadanza’, ‘Coro

Tutti Frutti’ bao direccion di Maybelline Arends – Croes, ‘Coro Divino Niño’ bao direccion di Eileen Dijkhof, ‘Coro Briyante!’ bao direccion di Tica Giel, Tipico Hubenil ‘Nos Cultura’, Gaita y Tipico Ritmo y Mas plus Tipico Macuarima. Hilyann cu su deseo ta pa progresa den musica pesey mes e la tuma lesnan di piano, cuarta y canto na ‘Scol di Musica Rufo Wever’, Hilyann no kier a para keto den loke ta su


passion y a amplia su mes den arte y a sigui curso nan di actuacion bao direccion di entre otro John Freddy Montoya y Ben Steel.

E hobencita Hilyann a haya e oportunidad pa atende Cindy Lee’s Performing Arts Summer School na Fort Myers, Florida, mester señala cu Hilyann a participa den e comedia ‘Trevia...e Garado di Djaka’ y e aña’ki den




SHWBIZ KLIP

BON DIA



Continuacion di B/20



'Stars Of Tomorrow'. Pa clausura su aña Hilyann Croes a prepara su propio produccion p'e temporada di fin di aña cu e la yama 'My Christmas Gift'. E CD 'My Christmas Gift' a wordo produci y orquestra pa Hilyann su propio tata cu t'e conocido musico, areglista y compositor Hildward Croes cu a


hinka tur su energia den e produccion aki cu ya caba ta den circulacion.

E grabacion y mescla a wordo realisa na Aruba mes den 'Vanilla Kingdom Studios' cu ta di e mesun Hildward Croes cu a percura pa cada detaye musical keda na lo maximo perfexona.

Entre e seleccion di cancionnan cu ta figura riba e disco compacto aki ta aparece composicionnan nobo di entre otro di e maestro Gos Oduber "The Golden hit pen", Lia Maldonado, Maybeline Arends Croes, Maiky Croes y e propio Hildward Croes cu a inspira su mes totalmente.

Tambe tin temanan clasico navideño di tur tempo, tur din an c'un toke orquestral y e voz angelical di Hilyann Croes cu ta caba di ensambla e arte musical aki.

Ya for di dialuna ttras di



lomba ki caba e produccion 'My Christmas Gift' di Hilyann Croes ta obtenible na tur e disco tienda of por haci bo pedido yamando 593-6913 / 563-3549, como tambe bo por cumunica tambe via di e siguiente E-mail: hilyanncroes@gmail.com of directamente riba facebook.

